

## 2 TIMOTI

# Pepa Paulo iñgere muli pa Timoti

*Paulo imo luma sakamao ilo lâ Rom lawea ñana ne wurâta ñana itula pâri ara kâ, aku isama tu i ne zo ñana imâte kâ nde imâ ipânga laiti lâ (4:6-8). Mine kala iñgere pepa tonge kilo pa ninambwe Timoti ñana ipu tini kaika papa. Ipai Timoti tu kinda ma takai malia wa nâna kie-kie ñana nenda kalo-tawana kâ, aku kiesaka ma ipânga ñalae lâ tâno kulu; andeta ara ñana kinda ma tamandi kaika ku kalonda tawana Maro Nalae. Yesu Kirisi ipole mateña marumbu lâ,aku kinda ma tamo ara kuku i lâ samba lawea. Paulo itula vetâja ara pinde pa Timoti ñana ipaveta kuku.*

<sup>1</sup> Naña Paulo, naña amo Yesu Kirisi ne pâritamâta ikura Maro Kindeni tamwata ne pateâna mine. Ipatea naña tu atula ñgua ñana via ñinde i muñga ipambwâre tu ma ilanzi tamâta ea kalonzi tawana Yesu Kirisi.

<sup>2</sup> Timoti, noko kutogo naña natuñgu mao mine. Naña añgere ñgua lâ pepa ñine tini imâ pano. Tamânda Maro Kindeni ñga nenda Maro Yesu Kirisi rua nenzi wisi-wisi wa kalo-sukâja wa wisi-pisi wa imâ pano.

*Kinda ma mainda ñana pâri ara kâ ndimo*

<sup>3</sup> Kinda timbunda muñga siveta Maro Kindeni ne wurâtani sondo, kala sipasama tu nenzi soki tonge tia lâ i nao. Aku naña kala uru aveta

Maro Kindeni ne wurâta lâ vetâŋa kie taituni. Lâ naŋa ilonŋu kalonŋu, naŋa apasama tu nanenŋu soki tonŋe keno lâ i nao, ande tia. Aku ikura zo rârâni, lâ kari wa mbo wa, lâ zo ŋana akai noŋa kâ, ande naŋa uru kalonŋu ŋgere ŋana noko kâ, aku kawâŋgu ndanŋe pa Maro Kindeni.

<sup>4</sup> Naŋa kalonŋu ŋgere ŋana noko mata sulu ŋinde muŋga indue, aku ilonŋu ŋalae tu amorano kilo. Ambo naŋa ma amorano kilo, ande naŋa ma andeka ndo.

<sup>5</sup> Naŋa asama tu noko kalo tawana Yesu Kirisi mao nâ, lâ vetâŋa kie taituni itogo muŋga noko timbu taine Lois aŋga noko tina Yunis kala kalonzi tawana Yesu mine. Mao nâ, noko ne kalo-tawana kala ikeno mine nâ.

<sup>6</sup> Naŋa kalonŋu ŋgere ŋana noko ne kalo-tawana ŋinde kâ, ande kala atu apanjo noko ne ilo-kalo, ŋana noko ma kuveta walo ŋinde Maro Kindeni muŋga ilano tu ma ipâŋga ŋalae ndo, itogo tamâta imbana yââ ku iveta mela-mela ŋalae mine. Maro Kindeni walo ŋinde ilano lâ zo ŋinde naŋa ao mbaŋgu kâki lâ noko kulu ku atu nzâmbé pano.

<sup>7</sup> Nana tu Maro Kindeni ne Koroani Sapâŋa ilua kinda lâ,aku ŋinde ŋandai koroani ŋana iveta kinda taruru ŋga. Koroani ŋinde nde ŋana ipu tini kaika pa ilonda kalonda. I ŋana iveta tininda mwasa panzi tininda pinde kâ, aku i ŋana igagati ilonda kalonda tu ma tapakatona warakânda nenda vetâŋa sondo.

<sup>8</sup> Mine kala noko ma mai ŋana kutula nenda Maro Nalae ne ŋgua pwataki ndimo. Naŋa amo luma sakamao ilo ŋana nanenŋu kalo-tawana

kâ, andeta noko ma mai ɳana naŋa kâ ndimo. Ara ɳana noko ma pwai Maro Kindeni ne walo kaika, aku pwale malia ɳana kutula i ne pâri ara kâ, itogo naŋa uru akale malia mine.

<sup>9</sup> Nanayoni, Maro Kindeni iyaute kinda piti lâ kondoma ilo ku ipatea kinda tu tamo i tamwata ne wurâta tamâta. Andeta i ɳandai kalo ɳgere ɳana nenda vetâŋa ara pinde ɳineŋga ipatea kinda ɳga. Nia ndoyo, lâ zo ɳinde ipulia kelekele rârâni ipâŋga tia yo, ande i ilo pa kinda ikura i tamwata ne pateâŋa. Aku io ne wisi-wisi lâ Yesu Kirisi mbau ilo imâ pa kinda, ku iveta kinda tamo i ne tamâta mao nâ.

<sup>10</sup> Muŋga, nenda Yautâŋa Tamwata Yesu Kirisi imâ ipâŋga lâ tâno kulu. Aku lâ zo ɳinde, Maro Kindeni ne wisi-wisi imâ pa kinda ku ipâŋga nia yo. Pâri ara ikeno mine: Yesu Kirisi ipu mateŋa ne walo ndoni indue lâ, aku itula nzâla pa kinda tamâta rârâni ɳana ma takai via mao ɳana tamo ara mine ku tamo nâ.

<sup>11</sup> Maro Kindeni ilo tu naŋa ma aveta wurâta papa i. Mine kala ipatea naŋa tu atula pâri ara ɳinde, aku ipateana ɳana apanananzi tamâta ɳana vetâŋa rârâni ɳinde i ilo papa tona.

<sup>12</sup> Aku ɳana nanen̄gu wurâta ɳinde kâ, ande naŋa uru akai malia wa nâna ɳine. Andeta naŋa ɳandai maŋgu ɳga. Naŋa asama Yesu Kirisi kilala, kala ao nanen̄gu kalo-tawana ilâ papa i. Aku naŋa asama tu i ikura ɳana ikatona kelekele ɳinde muŋga io lâ mbaŋgu ilo. Aku ɳinde ma ikeno sondo lee, ikura lâ zo ɳalae ɳana Yesu Kirisi ma itaulo imâ kilo kâ.

<sup>13</sup> Noko ma kalo ɳgere sondo ɳana ɳgua

wa vetâŋa mao ŋjinde muŋga atula pano, aku kuveta vetâŋa kie taituni ɣana kutula ŋgua wa kupanananzi tamâta, itogo naŋa aveta mine. Aku noko ma kupaveta kuku kalo-tawana ne mâsi wa tini-mwasa ne mâsi wa, itogo Yesu Kirisi ne tamâta uru siveta mine.

<sup>14</sup> Maro Kindeni io ne pâri ara lâ noko mbalau ilo tu pwatona kâ. Njinde nde kelekele ara ndo, kala noko ma pwatona sondo nâ. Koroani Sapâŋa uru imo kinda kalo-tawana tamâta ilonda. Mine nde ara ɣana noko ma kusâu pa Koroani Sapâŋa ne walo ŋjinde tu ma ivilano ɣana pwatona pâri ara ŋjinde kâ.

<sup>15</sup> Noko kusama tu kalo-tawana tamâta rârâni lâ Esia tâno nde tininzi piti ɣana naŋa kâ. Aku Figelus ku Hermogenes rua kala tininzi piti ɣanana mine nâ.

<sup>16</sup> Naŋa ilongu tu Maro Nalae ma kalo sukâŋa ɣana Onesiforus tavanzi tamâta ŋjinde simo i ne luma. Muŋga, Onesiforus iveta vetâŋa ara ɣana ilulu ilongu ikura zo zo. Aku imora tu naŋa amo luma sakamao ilo, aku imora tu kinzi sipa wâlo kaika lâ tiniŋgu tona. Andeta i mai ɣana naŋa kâ, ande tia.

<sup>17</sup> I imâ ipâŋga Rom lawea lâ, ɻineŋga walele nâ ikai wurâta ɣalae ndo ɣana iroto ɣana naŋa kâ. Iroto lee, ɻineŋga isânda kuluŋgu kilo.

<sup>18</sup> Naŋa ilongu tu Maro Nalae ne kalo-sukâŋa ma ilâ pa Onesiforus, lâ zo muli ŋjinde Maro Kindeni ma ipare nia panzi tamâta ɣana nenzi vetâŋa kâ. Noko kusama tu Onesiforus muŋga iveta vetâŋa rârâ kie-kie ɣana ivila naŋa lâ Efesus lawea tona.

**2**

*Paulo itu ɳgua pa Timoti tu i ma imo itogo  
Yesu Kirisi ne zugu tamâta ara mine*

<sup>1</sup> Naŋa natuŋgu, Maro Kindeni ne wisi-wisi imo kunzi tamâta ea kalonzi tawana Yesu Kirisi. Mine kala ara ɳana noko ma kusâu pa wisi-wisi ɳinde tu isukano ɳana kumandi kaika ikura zo rârâni.

<sup>2</sup> Aku ɳgua rârâni kala noko muŋga kulono naŋa atula lâ tamâta rârâ naonzi ɳinde, ande noko ma kutula ɳguani ndaina panzi tamâta arara pinde, kinzi ɳinde uru sipaveta kuku Maro Kindeni ne ɳgua. Ninenja kinzi kala ma sikura ɳana sipanananzi tamâta pinde tona.

<sup>3</sup> Noko ma kumo kutogo Yesu Kirisi ne zugu tamâta ara mine, aku pwai malia tava nâna itogo maka uru kakai mine.

<sup>4</sup> Noko kusama lâ ɳana zugu tamâta nenzi vetâŋa kâ. Lâ zo ɳana siveta nenzi wurâta, ande kinzi uru siveta wurâta kie tonje tava, ande tia. Kinzi uru siveta zugu nâ nenzi wurâta sondô, ɳana nenzi koipu ɳana zugu kâ ma ilonzi ara ɳananzi.

<sup>5</sup> An̄ga tamâta ɳana ipagui paguiŋa kâ, ande i uru ipagui ikura paguiŋa ne tukuŋa nâ. Ambo i ma iveta mine tia, ande i ma ikura tu ikai kulu ɳana ipole paguiŋa kâ, ande tia.

<sup>6</sup> An̄ga tamâta ea ikai wurâta ɳalae ɳana ipau kâpwa lâ tâno ilo, ande tamâta ɳinde ma ikai kâpwa kananjo muŋga lâ ɳga. Aku muli, ninenja tamâta pinde ma sikai kanzi tona.

<sup>7</sup> Noko ma kalo ɳgere sondô ɳana nanenju ɳgua ɳine kâ. Ambo noko ma kuveta mine, ande

Maro Njala ma iveta noko ne ilo-kalo ipânga, ηana ma kusama ηguia ηine rârâni ne duvi pwataki.

<sup>8</sup> Ikura zo rârâni, noko ma kalo ηgere ηana timbunda Daviti ne vâsa Yesu Kirisi kâ, ina munga imâte, ηinenja imandi sânda imo via kilo. Naña uru atula pâri ara mine nâ panzi tamâta.

<sup>9</sup> Tamâta pinde situ naña nde tamâta sakamao, ηana tu naña uru atula pâri ara ηinde panzi tamâta. Mine kala kinzi uru sio malia wa nâna kie-kie imâ pana. Andeta ηinde nâ tia; kinzi sio naña lâ luma sakamao ilo, aku sipa kenju lâ wâlo kaika tona, itogo siveta panzi nzanzare tamwatanzi mine. Andeta sâ toŋge ikura tu ipono nzâla ηana Maro Kindeni kawa ηguia tulâŋa kâ, ande tia ndo.

<sup>10</sup> Mine nde naña uru apu tini kaika pa warakâŋgu ilongu kalongu, aku akale malia ηine rârâni. Aveta mine ηana avilanzi tamâta ηinde Maro Kindeni munja ipateanzi tu simo i tamwata ne ηgu. Naña ilongu tu Yesu Kirisi ma iyautenzi piti lâ kondoma ilo tona, kala ma simo ara ndo kuku Yesu ikura zo rârâni ku simo nâ.

<sup>11</sup> Ηguia ηine nde mao nâ, aku ikura ηana kinda kalonda tawana; ambo kinda tamâte kuku Yesu, ande muli ma takai via mao ku tamo kuku i;

<sup>12</sup> ambo kinda takai nâna wa malia wa, aku tamandi kaika nâ, ande muli ma tamo koipu ηalanala kuku i. Ambo kinda tapu mulinda papa i, ande lâ zo muli i kala ma ipu muli pa kinda.

<sup>13</sup> Ambo kinda tapa ηguia tu ma tapono muli papa i, andeta tapile nenda kalo-tawana ηinde,

ande i ma iveta ikura i tamwata ne ŋgua pâŋa nâ, ŋana tu ikura tu itoto i tamwata kawa ŋgua ŋinde utu, ande tia ndo.

*Paulo itu ŋgua pa Timoti tu ma imo Maro Kindeni ne wurâta tamâta mao*

<sup>14</sup> Ikura zo rârâni, ara ŋana noko ma kupa nananzi tamâta ŋana ŋgua ŋine kâ. Tia ma kalonzi kapa ŋana. Aku kuporo ŋgua kaika panzi lâ Maro Kindeni nao tu ma sipawa ŋana ŋgua kaa kaa ndimo. Ngua kie mine ikura tu isuka tamâta tonge tia ndo. Ambo tamâta tonge uru itambira tanja pa ŋgua kaa mine, ande ŋinde ma iyaula i ne kalo-tawana.

<sup>15</sup> Noko ma pwai wurâta kaika tu kumo Maro Kindeni ne wurâta tamâta mao ŋana kutula i kawa ŋgua sondo ndo. Ambo noko ma kuveta mine, ande Maro Kindeni ma ilo ara ŋana noko ne wurâta kâ, aku noko ma mai lâ i nao, ande tia.

<sup>16</sup> Noko ma kupu muli pa ŋgua potomule kiekie, aku kupono muli pa Maro Kindeni ne ilo-kalo nâ. Ngua kie potomule mine uru ionzi tamâta simo malawae ndo ŋana Maro Kindeni kâ.

<sup>17</sup> Tamâta nenzi ŋgua kie mine nde itogo mbwatakâe sakamao uru ipâŋga ŋalae ndo ku iyaulanzi tamâta. Tamâta rua, Himeneus ku Filetus rua, ande uru siporo ŋgua kie mine.

<sup>18</sup> Kinzi rua nde sipile nzâla ŋana siporo ŋgua mao kâ. Kinzi rua uru siporo mine: "Mandiŋa lâ mateŋa nianzi ne zo ande nanayoni ipâŋga marumbu lâ, kala zo muli tamâta tonge ma imandi imo via kilo mine, ande ma tia." Aku

nenzi ḥngua ḥnne uru iyaula tamâta pinde nenzi kalo-tawana.

**19** Andeta Maro Kindeni muŋga iŋgunu ḥngunu-ḥngunu tonge panzi tamâta rârâni ḥninde kalonzi tawana i. Aku ḥngunu-ḥngunu ḥninde nde imandi kaika ndo ku imo nâ. Maro Kindeni muŋga iŋgere ḥngua lâ ḥngunu-ḥngunu ḥninde tini mine tu, “Maro Nalae isama ne tamâta kilalanzi”. Aku iŋgere ḥngua tukuja tona mine tu, “Ambo noko tamâta tonge uru kupanea Maro Nalae, ande noko ma kupile kiesaka ne mâsi.”

**20** Kondo tini kaŋa-kaŋa uru ikeno lâ mbaliŋa warika ne luma ilo. Pinde muŋga siveta lâ mira kulu ḥnalae “gol” wa “silva” wa, anŋa pinde siveta lâ kâi wa tâno wa. Pinde nde ḥnana wurâta ara kâ, anŋa pinde nde ḥnana wurâta kaa nâ.

**21** Aku mine nâ, ambo tamâta tonge ma ipile vetâŋa wa ḥngua potomule ḥninde, ande i ma ipâŋga ilo mbâra-mbâra ndo lâ Maro Kindeni nao. ḅnenŋa i ma imo itogo kondo ḥninde siveta ḥnana wurâta ara ndo, aku ma imo Maro Kindeni ne wurâta tamâta mao. Aku i ma ikura tu iveta wurâta ara ndia Maro Nalae ipatea papa.

**22** Mine kala ikura zo rârâni noko ma kupu muli pa ilo-kalo potomule rârâni uru ipâŋga lâ tamâta limoa ilonzi kalonzi. Aku kumandi kaika ḥnana kuveta vetâŋa sondo nâ lâ Maro Kindeni nao. Noko ma kuo ne kalo-tawana ilâ mao papa i, aku tini mwasa ndo panzi tini pinde wa kumo kunzi tava wisi wa. Aku noko ma kuveta vetâŋa arara ḥninde rârâni, ikura Yesu Kirisi ne kalo-tawana tamâta mao uru siveta mine.

<sup>23</sup> Ara ηana noko ma kupu muli panzi tamâta uru siporo ηguia potomule wa ηguia kapa-kapa ηninde. Noko kusama tu ηguia kaŋa mine uru ivetanzi tamâta ilonzi sakamao kala sipawa ηguia wa sipambita wa.

<sup>24</sup> Anja Maro Νalae ne wurâta tamâta mao nde uru ipawa ηguia kunzi tini pinde, ande dia ndo. I uru iveta vetâŋa kie ara nâ panzi, aku ikura tu ipanananzi ηana Maro Kindeni ne ilokalo ara kâ tona. Ambo tamâta pinde tanjanzi kaika papa i, ande ipatawa tamwata ne wisinâna ndue.

<sup>25</sup> Ambo tamâta pinde tanjanzi kaika ku silelea i ne ηguia, ande i uru ikai wurâta mwasa-mwasa nâ ηana ipanananzi sondo kâ. Iveta mine ηana duvi ηnine; i ilo ηalae tu Maro Kindeni ma ivilanzi ηana sipalele ilonzi kalonzi ku sisama sondo ηana ηguia mao kâ.

<sup>26</sup> Sadana munja ikainzi tamâta mine kaika lâ i ne nimbu ilo, aku ivetanzi tu soka i tamwata nâ ne ηguia muli. Andeta naŋa asama mine; ambo kinzi ma sisanâna sondo ηana ηguia mao kâ, ande nenzi kalo-ηgere ma ipâŋga ku ma sipile Sadana ne nimbu, kala ma simo ara.

### 3

*Lâ zo laiti ηana tâno ne zo marumbu kâ, ande kinzi tamâta ma siveta vetâŋa sakamao kie-kie*

<sup>1</sup> Andeta noko ma kalo ηgere ηana ηnine kâ: lâ zo laiti ηana tâno ne zo marumbu kâ, ande vetâŋa sakamao ndo ma ipâŋga.

<sup>2</sup> Kinzi tamâta ma tininzi mwasa pa warakanzi nâ, aku ma ilonzi ndo tu sikai mbaliŋa nâ. Kinzi

ma sipasuka warakanzi ɳanzi kâki, ku ma siporo lâ warakanzi ilonzi tu, "Naŋa nâ". Kinzi ma sipawa ɳgua wa siporo ɳgua potomule panzi tamâta pinde wa. Kinzi ma sivaligi tinanzi tamanzi nenzi ɳgua, ku ma sipile mâsi ɳana kawanzi ndanje panzi tamâta ɳinde munja siveta kenzi ara panzi. Kinzi ma sipu mulinzi pa Maro Kindeni ne ilo-kalo ara.

<sup>3</sup> Kinzi ma kalonzi sukâŋa ɳananzi tamâta kâ, ande tia. Aku lâ zo ɳana wisinzi nâna kâ, ande kinzi ma ilonzi tu silulu wisi-nâna ɳinde, ande tia. Kinzi ma situ tamâta ɳguananzi, ku ma sipakatona warakanzi ilonzi kalonzi tia. Kinzi ma sipara wa siyaulanzi tamâta pinde potomule wa. Kinzi ma sikai kazâŋa pa vetâŋa ara rârâni.

<sup>4</sup> Kinzi ma sipa ɳgua kunzi tamâta, ɳineŋga ma sipu ɳgua pâŋa ɳinde ututu. Kinzi ilonzi kalonzi ma ipâŋga ara tia ndo. Mine kala kinzi ma siveta vetâŋa soki kie-kie walele nâ. Kinzi ma ilonzi ɳana warakanzi tu, "Naŋa nde tamâta ɳalae." Kinzi ma ilonzi ndo ɳana vetâŋa kie-kie kaa nâ ɳana tâno ɳine ne ndekâŋa kâ, aku ma ilonzi papa Maro Kindeni, ande tia.

<sup>5</sup> Kinzi ma siporo lâ kawanzi nâ tu kalonzi tawana Yesu Kirisi, anja nenzi vetâŋa ma itula kilalanzi pwataki tu kinzi sipu mulinzi pa i ne walo. Noko ma kumo malawae ndo ɳananzi tamâta mine.

<sup>6</sup> Kinzi tamâta mine uru siroto nzâla ɳana silâ taine pinde nenzi luma ilo, kinzi taine ɳinde ilonzi kalonzi ipâŋga tia. Kinzi ilonzi tu taine ɳinde ma sipono muli pa nenzi ɳgua. Kinzi taine mine nde uru siveta kiesaka, aku ɳinde

iveta malia panzi. Aku ilonzi uru igagatinzi ηana siveta vetāŋa potomule kie-kie tona.

<sup>7</sup> Kinzi taine mine uru ilonzi ηalae tu siperanāna ηana ηguā kâ, andeta sikura tu soka ηguā mao muli, ande tia.

<sup>8</sup> Nia ndoyo, Janes ku Jambres rua sikai kazāŋa pa timbunda Mose. Aku mine nâ, lâ zo ηine, kinzi tamâta ηinde sikai kazāŋa pa ηguā mao, kala uru siveta vetāŋa potomule ηinde. Kinzi ilonzi kalonzi nde kapa ndo, aku nenzi kalotawana nde lajenga ndo.

<sup>9</sup> Andeta nenzi vetāŋa ηinde ikura tu ipāŋga ηalae tia, ηana tu tamâta rârâni ma simora nenzi vetāŋa tu kapa, itogo nia ndoyo kinzi tamâta simora Janes ku Jambres rua nenzi vetāŋa tu kapa mine.

*Paulo itu ηguā pa Timoti tu ma ipaveta kuku Maro Kindeni ne ηguā*

<sup>10</sup> Andeta noko muŋga kumo ku naŋa, kala kusama nanen̄gu māsi ηana apanananzi tamâta ηana vetāŋa rârâni Maro Kindeni ilo papa ηinde. Noko kusama vetāŋa rârâni naŋa uru apaveta kuku, aku kusama nanen̄gu ilo-kalo rârâni marumbu lâ. Noko kusama mine: naŋa kalon̄gu tawana Maro Kindeni mao nâ; naŋa uru wisin̄gu nâna walele tia; naŋa tiniŋgu mwasa nâ panzi tamâta; aku naŋa uru amandi kaika ηana akale malia kâ.

<sup>11</sup> Noko kusama vetāŋa sakamao rârâni ηinde tamâta pinde muŋga siveta pana. Aku kusama nâna rârâni muŋga akai lâ Antiok lawea wa Aikoniam lawea wa Listra lawea wa. Noko

kusama vetâŋa sakamao ndo siveta pa naŋa lâ lawea ŋinde. Andeta Maro Ʉalae ikai naŋa piti lâ kazâŋa ŋinde rârâni ilo, kala amo ara nâ.

<sup>12</sup> Mao nâ, tamâta ea ilonzi tu sipaipa kuku Yesu Kirisi ku siveta vetâŋa ara lâ Maro Kindeni nao, ande tamâta ŋinde ma sikai malia wa nâna ŋana nenzi kalo-tawana kâ.

<sup>13</sup> Aŋga kinzi tamâta sakamao sitavanzi laŋenja tamwatanzi ma sikai laŋenja panzi tamâta, aku ma sikai laŋenja pa warakanzi toni. Mine kala nenzi vetâŋa sakamao ma ipâŋga Ʉalae.

<sup>14</sup> Aŋga noko muŋga kupanâna sondo ŋana Ʉgua mao kâ, aku noko kalo tawana Ʉgua ŋine kaika lâ. Noko kusama ne pananâŋa tamâta kilalanzi pwataki tu kinzi nde tamâta ara ndo. Mine nde noko ma kumandi kaika ŋana Ʉgua mao ŋinde kâ ku kumo nâ.

<sup>15</sup> Aku noko kusama tu lâ zo ŋinde noko kumo lâlu kiri-mwata yo, ande noko uru kupono muli pa Maro Kindeni ne Ʉgua ikeno lâ pepa tini. Ʉgua ŋinde ikura tu iveta noko ilo kalo sondo ndo, aku ikura tu igagati noko ne kalo-tawana ilâ pa Yesu Kirisi kâ. Aku ŋana noko ne kalo-tawana ŋinde kâ, ande Maro Kindeni iyauteno piti lâ kondoma ilo.

<sup>16</sup> Maro Kindeni kawa Ʉgua rârâni ikeno lâ pepa tini, ande ŋinde i tamwata ne Koroani Sapâŋa muŋga itula pwataki. Aku Ʉgua ŋinde rârâni nde ara ndo ŋana ipanana kinda ŋana Ʉgua mao kâ wa, itula nenda kiesaka pwataki wa, iveta ilonda kalonda sondo kilo wa, ipanana kinda ŋana taveta vetâŋa sondo lâ Maro Kindeni

nao wa.

<sup>17</sup> Mine kala Maro Kindeni kawa ɳgua ɳinde uru iveta i ne wurâta tamâta kinda tu tamo sondo ndo, aku takura ɳana taveta vetâna arara rârâni.

## 4

### *Paulo itu ɳgua pa Timoti tu ma imandi kaika ɳana itula Maro Kindeni ne ɳgua kâ*

<sup>1</sup> Lâ zo muli, Yesu Kirisi ma ipare nia panzi tamâta rârâni ɳana nenzi vetâna kâ. I ma ipare nia mine panzi tamâta simo vianzi,aku ma ipare nia panzi tamâta munja simâte tonâ. Lâ zo ɳana Yesu Kirisi ma ipatua panzi tamâta rârâni, ande i ma ikai Koipu Nalae ku imo nâ. Kala ɳine lâ Maro Kindeni nao, aŋga lâ Yesu Kirisi nao, naŋa atu ɳgua kulu ɳine pano:

<sup>2</sup> Noko ma kumandi kaika ɳana kutula i kawa ɳgua kâ. Ambo tamâta ma sindeka ɳana siloŋo noko ne ɳgua tâku sindeka tia tâku, ande kalo loko. Ikura zo rârâni, noko ma kuveta wurâta mine: kuporo ɳgua ɳana kuveta tamâta ilonzi kalonzi sondo wa, kutula nenzi kiesaka pwataki wa, kupu tini kaika panzi wa. Noko ma nao mwasa nâ panzi,aku kupanananzi sondo ndo ɳana vetâna rârâni ɳinde Maro Kindeni ilo papa.

<sup>3</sup> ɳana tu muli ɳga, tamâta ma tininzi pwâka ɳana siloŋo ɳgua sondo kâ. Kinzi ma sindeka ɳana siloŋo ɳgua laŋenja kie-kie, ku ma siroto ɳananzi pananâna tamâta rârâ tu ma sipanananzi ɳana ɳgua ndia ilonzi tu siloŋo ɳinde.

<sup>4</sup> Mine kala kinzi ma sipu mulinzi pa ηguā mao, aku ma sipaloŋo pa ηguā usi kie-kie kaa nā.

<sup>5</sup> Anja noko ma kuveta mine ndimo. Noko ma kupakatona tamwata ilo kalo sondo ikura zo rârâni. Noko ma pwai malia wa nâna wa, aku pwai wurâta ηana kutula pâri ara panzi tamâta kâ. Noko nde Maro Kindeni ne wurâta tamâta; mine nde ara ηana noko ma kumo kuveta wurâta ηinde rârâni.

### *Paulo ne zo laiti ηana imâte kâ*

<sup>6</sup> Timoti, noko kuloŋo ηga: ηnine zo laiti ηana naŋa ma amâte kâ, aku seeŋgu ma irere ndue, itogo waini uru sipatarâwa pa Maro Kindeni mine. Nanen̄gu zo ηana apile tâno ηnine kâ nde imâ ipâŋga laiti lâ.

<sup>7</sup> Naŋa mun̄ga apalilu apopole kaika ηana akai via mao kâ, kala ηnine apâŋga lâ keri. Aku naŋa amo apono muli pa Maro Kindeni ne ilo-kalo rârâni.

<sup>8</sup> Mine kala Maro Kindeni iluku lâ ηana kulu ilua naŋa kâ, itogo tamâta ηana sipopole kâ nenzi koa mine. Kulu ηinde nde mine: Maro Nalae ma imorana tu naŋa amo ilon̄gu mbâra-mbâra. Maro Nalae uru ilea sondo pa tamâta nenzi vetâŋa, aku lâ zo ηalae ηana i ma ipare nia panzi tamâta kâ, ande nanen̄gu kulu ηinde ma ilua naŋa. Andeta kulu ηinde ma ilua naŋa simboŋgu nâ, ande tia. I ma kulu ηinde ilanzi tamâta rârâni uru ilonzi ndo keno pa i ku sio tininzi sindamwa i ηana itaulo imâ kilo kâ.

### *Paulo ilo tu Timoti ma imâ walele nâ*

**9** Noko ma pwisi kaika ηana kumâ walele nâ pana,

**10** ηana tu Demas nde ipilena ku ilâ lâ. I ilo ηalae konja ηana tâno ηine ne kelekele, kala ilâ pa Tesalonaika lawea. Aŋga Kresens nde ilâ pa Galesia tâno lâ, aŋga Titi nde ilâ pa Dalmesia tâno lâ.

**11** Luka simbo mai nâ nde imo kuku naŋa yo. Mine nde ara ηana noko ma pwai Malaka iyoka kuno, aku miki rua kamâ kuku naŋa. Malaka nde tamâta ara ηana ivila naŋa ηana wurâta kâ.

**12** Naŋa ao Tikikus ilâ pa Efesus lawea lâ.

**13** Lâ zo ηana noko ma kumâ, ande ara ηana noko ma pwai nanen̄gu pasawaŋa luandondo ηinde mun̄ga apile keno Kapas ne luma lâ Troas lawea. Aku pwai nanen̄gu pepa ton̄a. Noko ma kalo ηgere sondo, aku kalo kapa ηana pepa ηinde ndimo. Naŋa ilon̄gu ηalae pa pepa ηinde mun̄ga siveta lâ “lama” karae.

**14** Arisande, ina tamâta ηana iveta kelekele lâ “aini” kâ, ande mun̄ga iveta kie soki ndo pa naŋa. Muli ηga, Maro Ηalae ma nâna ilua i, ku ma ipare nia papa ηana vetâŋa sakamao ηinde mun̄ga iveta pa naŋa.

**15** Ara ηana noko kala ma kupakatona sondo ηana tamâta ηinde. I mun̄ga ikai kazâŋa ηalae pa nanen̄gu ηgua.

**16** Muŋga, lâ zo ηinde naŋa amandi wasaseki lâ ηgua nia, ande tamâta ton̄ge imo kuna ηana isuka nanen̄gu ηgua kâ, ande tia. Tamâta rârâni nde sipile naŋa marumbu lâ. Taitu naŋa ilon̄gu tu Maro Kindeni ma izavaru nenzi soki ηinde piti lâ tininzi.

<sup>17</sup> Andeta lâ zo ŋinde, Maro Nalae tamwata imo ku naŋa ku isukana lâ. I walo ilua naŋa, ande kala akura ndo ŋana atula pâri ara kâ. Mine kala tamâta rârâni lâ tinikoa ŋgu nde siloŋo lâ. Aku Maro Kindeni iyauta naŋa piti lâ kazâŋa tamâta mbaunzi ilo.

<sup>18</sup> Aku mine nâ, Maro Nalae ma iyautena piti lâ vetâŋa sakamao rârâni kinzi ilonzi tu siveta pa naŋa, ku ma io naŋa alâ amo samba lawea, lawea ŋinde i uru ikai maro papa. Nenda paneâŋa ilâ pa i ikura zo zo. Mao.

<sup>19</sup> Ara ŋana noko ma kuporo naneŋgu kari ara ilâ panzi Prisila ku Akwila rua, aku ilâ panzi tamâta ŋinde simo Onesiforus ne luma tona mine nâ.

<sup>20</sup> Erastus nde imo Korin lawea yo. Anja Trofimus nde ikai pukonja, kala apile imo Miletus lawea.

<sup>21</sup> Noko ma pwisi kaika ku kumâ walele nâ. Ambo noko ma kumo songo, ande pisi ne zo ma imâ ipâŋga. Yubulus, anja Pudens, anja Linus, anja Klodia, sitavanzi kalo-tawana tamâta rârâni, ande nenzi kari ara imâ pano.

<sup>22</sup> Maro Nalae imo kuno, aku i ne wisi-wisi ma imo kuku miki rârâni mine nâ.

**MARO KINDENI KAWA NGUA  
The New Testament and Psalms in the Sio Language  
of Papua New Guinea  
Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de